

INUIT ATAQATIGIIT

INATSISARTUNI



UKA16/81

7. oktober 2016

Agathe Fontain

Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut danskit oqartussa qarfiinut attaveqassasut Aalborg-imi Grønlandshavn-imiit Kalaallit Nunaannut umiarsuakkt nassiussassat tamarmik hash-itaqannginersut akitsuuserisunit misissorneqartarnissaat qulakkeerumallugu aalajangersimasumik Grønlandshavn-imi akitsuuserisoqartitsilersinnaanerup siunnerfigineqarnissaa.

Inatsisartunut ilaasortaq Sten Lyngé Atassut, qutsavigaarput , suliniuteqarnitsinnut naapertuuttumik oqaluuserisassanngortitsimmat.

Inuit Ataqatigiit ikiaroorartumik ajornartorsiurteqarnerput annertoq ilisimallugu sammiviit assigiingitsut aqutugalugit oqaluuserisassanngortitsisartugut Inatsisartunut ilaasortat ilisimavarsi.

Siusinaarluni iliuuseqarneq anguniagaraarput , pingaartutulunisigalugu, taammaamat naartuunermiit iliuuseqarnissaq anguniakkatsinnut ilaavoq, taasumalu iluani naartusut akeqanngitsumik katsorsartittarnissaat pingaartissimallutigu, ilaqquttat qaninnerit aamma ilaatillugit

Akeqanngitsumik katsorsartissinnaaneq angusimavarput

Nuna Tamakkerlugu periusissiaqarnissa angusimavarput

Akilerartarnermi aqutsisoqarfimmi, inuit pasitsaassat misissuiffigisariaqarsinnaaneri anguvarput

Naalakkersuisut UKA 2016-mi nalunaarummik saqqummiussa qarnissaat anguarput, utaqqiinnarlugulu, naatsorsuutigalugu qanittunnguakkt agguaanneqarumaartoq.

Steen Lyngé siunnersuutaa naatsorsuutigilluinnarsimavarput, Naalakkersuisut periusissiaminni ilanngutissagaat. Tassami avataaniit anngiortumik tuniniagassamik tikisitsisarnerup minnerpaaffimmiinissaa anguniartariaqaratsigu.

Siunnersuuteqartup nassuiarpaa sumiiffik aallaavigalugu inatsisit atortinneqarfiusut dansket Naalagaaffiata iluaniittut, taamaasilluni Kalaallit Nunaat nammineq nassiussanik akitsuuserinermi misissuinerit ingerlanissannut tunngavissaqarani. Akitsuuserinermut akisussaaffik dansket Naalagaaffiata iluani inissisimammat.

Taavami Naalagaaffiup suliassani naammassiniarliuk ! Misissuinissaq akisussaaffigiamiuk sulariniarliuk!

Tamanna anguniarlugu aningaasaqarnermut ataatsimiititaliamut ingerlatipparput, misissuisoqarnissaa anguniarlugu.

INUIT ATAQATIGIIT

INATSISARTUNI

